

曾子家語

曾子家語敘

吾嘗讀南豐曾氏族譜載曾子裔孫漢關內侯

據遺

王莽亂始遷豫章是爲南遷諸曾之祖宋歐陽修氏固已疑之以爲據姓名不見於年表其世次久而難詳至於始封得姓亦或不真其說尤矣然據雖不載正史自宋以前南遷諸曾固已奉爲不祧之祖矣昔二帝三王其先皆出於黃帝史遷所敘世次或多刺謬彼固親見世本諸書者而猶如此蓋年代荒遠載籍多缺疑事勿質未可定其是非也光緒庚寅之春

定安客金陵宮保威毅伯曾公以明呂氏所爲宗聖志若干卷屬爲重刊定安披讀至再所述曾子言行頗多墨漏且不詳所本蓋沿明人臆斷錮習蕪雜不復成章因另撰宗聖志二十卷復以餘閒旁搜載籍得五萬餘言仿宋薛據孔子集語例編爲二十四篇謂之曾子集語旣卒業呈宮保曾公公謂大戴記所錄曾子篇目名義複沓甚無謂爰併其十一篇爲六篇又芟唐以後書若干條萃爲十八篇以復班書藝文志之舊且曰吾衡陽湘鄉諸曾皆來自江右其爲

曾子苗裔與否不可考要其祖漢闢內侯載諸往牒
子孫世守由來久矣今請名曰曾子家語可乎定安
唯之而無以易也昔孔子沒其子孫守其遺書藏之
家號曰家語秦昭王時孫卿入秦以孔子之語及諸
國事七十二弟子之言百餘篇獻之昭王始皇焚書
而孔子家語與諸子同列故不見滅於是漢孔安國
氏懼其久且湮也次爲四十四篇值巫蠱興未上其
後戴聖氏以曲禮不足乃取孔子家語裨益之總名
爲禮記而已見禮記者則除家語之本篇今世所傳

王肅本者或以爲僞託然其網羅舊聞何可廢也夫書闕有間矣後之人於茫茫墜緒中掇佚補亡存什一於千百苟有錄也皆足貴也况曾子爲孔門高第書之存於今者至累牘而不已則以家語續孔子之後又孰得謂之僭乎遂書此以爲序

光緒十六年歲在庚寅秋九月東湖王定安謹撰

曾子家語引用書目

禮記

漢鄭玄注

大戴禮

北周盧辨注

大學章句

宋朱熹著

孝經

唐玄宗注

孝經鉤命訣

孝經援神契

古文孝經述義

清劉炫著

論語

魏何晏集解

論語摘輔象

孟子

漢趙岐注

孟子外書

宋熙時子注

戰國策

漢高誘注

史記

漢司馬遷著宋裴駰集解唐司馬貞索隱張

守節正義漢班固著唐顏師古注

漢書

宋范曄著唐章懷太子注

後漢書

宋范曄著唐章懷太子注

宋書

梁沈約著

孔子家語

魏王肅注

孔叢子

漢孔鮒著

荀子

周荀況著唐楊倞注

尹子

周尹佼著

莊子

周莊周著晉郭象注

晏子春秋

齊晏平仲著

韓非子

周韓非著

呂氏春秋

秦呂不韋著漢高誘注

新語

漢陸賈著

春秋繁露

漢董仲舒著

韓詩外傳

漢韓嬰著

毛詩草木鳥獸蟲魚疏

晉陸璣著

淮南子

漢劉安著漢高誘注

水經注

漢桑欽著後魏酈道元注

鹽鐵論

漢桓寬著

新序

漢劉向著

說苑

漢劉向著

列女傳

漢劉向著

白虎通

漢班固著

潛夫論

漢王符著

中論

漢徐幹著

琴操

漢蔡邕著

論衡

漢王充著

伏侯古今注

漢伏無忌著

武梁祠畫像贊

牟子

漢牟融著

博物志

晉張華著

搜神記

晉干寶著

金樓子

梁元帝著

劉子

北齊劉晝著

顏氏家訓

北齊顏之推著

孝子傳

文選

梁蕭統著唐李善注

北堂書鈔

唐虞世南著

藝文類聚

唐歐陽詢著

初學記

唐徐陵著

太平御覽

宋李昉等著

玉海

宋王應麟著

困學紀聞

宋王應麟著

天中記

明陳耀文著

古微書

明孫殿輯注

會子家語引用書目

曾子家語目錄

卷一

大孝第一

至德要道第二

卷二

養老第三

慎終第四

大學第五

卷三

三省第六

立事第七

卷四

制言第八

全節第九

興仁第十

王言第十一

聞見第十二

卷五

弔喪第十三

禮問第十四

卷六

天圓第十五

吾友第十六

有疾第十七

雜說第十八

曾子家語凡例

一曾子一書漢書藝文志舊題十八篇繫之儒家
隋書經籍志題爲二卷又目一卷唐書藝文志
與隋志同均無傳本宋晁公武郡齋讀書志著
錄二卷十篇云卽唐本而高似孫子略稱其書
與大戴禮四十九至五十八等篇無異宋之汪
晫趙海鵬劉子澄章楨宋鳴梧明之曾承業戴
良等各有編錄

欽定四庫全書書目提要祇載汪晫所編一卷至明

曾子業所編三卷僅列之存目

國朝阮文達公注釋曾子卽大戴禮之十篇道光
中馮氏雲鵠刊有聖門十三種内存曾子書八
卷其前四卷仍是大戴之文至曾子之言行凡
見於經傳者作爲坿錄補遺體例未合今自禮
記論語孟子以及正史雜史周秦漢魏六朝諸
子之書遇有曾子言行悉鈔綴之得十八篇以
還漢志之舊

一阮注曾子號曰精詳然注釋或採之近人此書

概用古注如禮問大學諸篇依漢鄭元注至德
要道篇依唐玄宗注王言立事諸篇依周尚書
右僕射盧辯注卷中引用孔子家語中文者依
魏王肅注至引用諸子百家中語仍擇其書中
注之最前者載之若各本無注可考者闕之

一搜採各書百有餘種不無彼此互見之處依平
津館所刊孔子集語例以書之在前者作正文
書之後出者坱錄本條後低一格以別之文同
事同者祇下注某書同事同而文或小異者均

連類書之以資考證

一古書傳本各異茲從其最古者同一事也同一說也既見孔子家語又見說苑諸書固以一書作正文以諸書坿後若同一事又同一書惟刻本小有異同則從其字句較善者而以他刻本中語坿注於本條之內隔一圈曰某作某以識之

一古人讀書經緯並重故孝經鉤命訣援神契及論語摘輔象諸書俱採入

一書既繫以曾子孔顏思孟之言與曾子無涉者
不錄卽曾皙曾元曾申之事亦姑舍旃至祠墓
古蹟列朝封贈曾氏世系因同時修纂宗聖志
故略此而詳彼

一所搜載籍以周秦訖六朝爲斷唐以後不錄惟
古書所無之事或見於北堂書鈔藝文類聚白
帖初學記太平御覽玉海困學紀聞暨宋元諸
家所引者闇登一二以補前人載籍所未備
一書果出自唐以前雖有新奇怪誕之說亦所必

錄

一向來著錄家載曾子書多本大戴記十篇茲合
大孝事父母立孝本孝四篇爲一篇以所語皆
孝道也制言上中下三篇爲一篇以所語皆制
事也立事王言天圓仍各爲一篇疾病則先以
論語禮記從其類也凡大戴記十一篇僅併爲
六篇孝經大學曾子問三篇皆錄全文孝經未
宜名篇則以至德要道冠之曾子問未便獨標
曾子則以禮問該之大學用禮記古本而以朱

于章句坱之此外養老慎終三省全節與仁聞
見弔喪吾友雜說九篇皆雜採經史子集依古
例以首章二字名篇雖或不免於臆斷要之言
以類萃俾讀者犁然不淆云

東湖王定安鼎丞氏又記

曾子家語凡例

曾子家語卷一 目錄

大孝第一

至德要道第二

曾子家語卷一目錄

江陵魏煦培襄校

曾子家語卷一

光祿大夫 太子太保兩江總督兼理鹽政一等威毅伯會國荃審訂

通奉大夫前山西冀甯水利驛傳道署山西布政使王定安編輯

大孝第一

合大戴禮大孝事父母本孝立孝爲一篇周尚書盧辯注

曾子曰孝有三大孝尊親其次不辱其下能養公明

儀問於曾子曰夫子可謂孝乎

公明儀曾子弟子

曾子曰是

何言與是何言與君子之所謂孝者先意承志諭父

母以道

凡言於事親未意則先善舉之親若有志則承而奉之○案正文以字宋本曾子引此作

於參直養者也安能爲孝乎

身者親之遺體也行親之遺體敢不敬乎故居處不
莊非孝也事君不忠非孝也莅官不敬非孝也朋友
不信非孝也戰陳無勇非孝也五者不遂災及乎身
身一作親敢不敬乎故烹熟鮮香鮮一作羶嘗而進之非孝也

養也君子之所謂孝者國人皆稱願焉曰幸哉有子
如此所謂孝也民之本教曰孝其行之曰養謂致衣食省安
否養可能也敬爲難敬可能也安爲難以忠禮將也安可

能也久爲難久可能也卒爲難父母旣歿慎行其身
慎一作順不遺父母惡名可謂能終也謂能卒也夫仁者仁此

者也義者宜此者也忠者中此者也信者信此者也
禮者體此者也行者行此者也彊者彊此者也樂自
順此生刑自反此作

夫孝者天下之大經也夫孝置之而塞於天地衡之
而衡於四海置猶立也衡猶橫也施諸後世而無朝夕言常行也推
而放諸東海而準推而放諸西海而準推而放諸南
海而準推而放諸北海而準九夷八蠻七戎六狄謂之四海放猶至也準猶平
詩云自西自東自南自北此之謂也聲之六章也大雅文王有平也

孝有三大孝不匱

詩云孝子不匱永錫爾類也

中孝用勞

勞猶功也小

孝用力博施備物可謂不匱矣尊仁安義可謂用勞矣慈愛忘勞可謂用力矣父母愛之喜而不忘父母惡之懼而無怨父母有過諫而不逆當柔聲也父母既歿以哀祀之加之如此謂禮終矣哀謂服之三年祀謂春秋享之

樂正子春下堂而傷其足傷瘳數月不出猶有憂色門弟子問曰夫子之足瘳矣數月不出猶有憂色何也樂正子春曰善如爾之問也吾聞之曾子曾子聞諸夫子曰天之所生地之所養人爲大矣父母全而生之子全而歸之可謂孝矣孝經曰天地之性人爲貴人之行莫大於孝也

不虧其體可謂全矣故君子頃步之不敢忘也

珪當聲誤

頃爲今子忘夫孝之道矣予是以有憂色故君子一舉足不敢忘父母一出言不敢忘父母一舉足不敢忘

父母故道而不徑不由也舟而不游不敢以先父母之遺體行殆也殆危也

一出言不敢忘父母是故惡言不出於口忿言不及於己然后不辱其身不憂其親則

可謂孝矣草木以時伐焉禽獸以時殺焉夫子曰伐一木殺一獸不以其時非孝也

夫子孔子

右大戴禮會子大孝

禮記祭義 曾子曰孝有三大孝尊親其次弗辱其
下能養公明儀問於曾子曰夫子可以爲孝乎曾
子曰是何言與是何言與君子之所謂孝者先意
承志諭父母於道參直養者也安能爲孝乎 曾
子曰身也者父母之遺體也行父母之遺體敢不
敬乎居處不莊非孝也事君不忠非孝也涖官不
敬非孝也朋友不信非孝也戰陣無勇非孝也五
者不遂裁及於親敢不敬乎亨孰羶薌嘗而薦之
非孝也養也君子之所謂孝也者國人稱願然曰

幸哉有子如此所謂孝也已眾之本教曰孝其行
曰養養可能也敬爲難敬可能也安爲難安可能
也卒爲難父母旣歿慎行其身不遺父母惡名可
謂能終矣仁者仁此者也禮者履此者也義者宜
此者也信者信此者也强者强此者也樂自順此
生刑自反此作 曾子曰夫孝置之而塞乎天地
溥之而橫乎四海施諸後世而無朝夕推而放諸
東海而準推而放諸西海而準推而放諸南海而
準推而放諸北海而準詩云自西自東自南自北

無思不服此之謂也 曾子曰樹木以時伐焉禽獸以時殺焉夫子曰斷一樹殺一獸不以其時非孝也 孝有三小孝用力中孝用勞大孝不匱思想愛忘勞可謂用力矣尊仁安義可謂用勞矣博施備物可謂不匱矣父母愛之喜而弗忘父母惡之懼而無怨父母有過諫而不逆父母旣歿必求仁者之粟以祀之此之謂禮終 樂正子春下堂而傷其足數月不出猶有憂色門弟子曰夫子之足瘳矣數月不出猶有憂色何也樂正子春曰善

如爾之間也善如爾之間也吾聞諸曾子曾子聞
諸夫子曰天之所生地之所養無人爲大父母全
而生之子全而歸之可謂孝矣不虧其體不辱其
身可謂全矣故君子頃步而弗敢忘孝也今予忘
孝之道予是以有憂色也壹舉足而不敢忘父母
壹出言而不敢忘父母壹舉足而不敢忘父母是
故道而不徑舟而不游不敢以先父母之遺體行
殆壹出言而不敢忘父母是故惡言不出於口忿
言不反於身不辱其身不羞其親可謂孝矣○藝文類

聚引祭義二條太平御覽引祭義三條並同

呂氏春秋孝行覽會子曰身者父母之遺體也行父母之遺體敢不敬乎居處不莊非孝也事君不忠非孝也蒞官不敬非孝也朋友不篤非孝也戰陣無勇非孝也五者不遂災及乎親敢不敬乎商書曰刑三百罪莫重於不孝○按大小戴記皆無自反此作則商書曰云云然觀刑此語空有也樂正子春下堂而傷足瘳而數月不出猶有憂色門人問之曰夫子下堂而傷足瘳而數月不出猶有憂色敢問其故樂正子春曰善

乎而問之吾聞之曾子曾子聞之仲尼父母全而
生之子全而歸之不虧其身不損其形可謂孝矣
君子無行咫尺而忘之余忘孝道是以憂 民之
本教曰孝其行孝曰養養可能也敬爲難敬可能
也安爲難安可能也卒爲難父母旣歿敬行其身
無遺父母惡名可謂能終矣禮者履此者也義者
宜此者也信者信此者也彊者彊此者也樂自順
此生也刑自逆此作也

單居離問於曾子曰事父母有道乎

單居離曾子弟子也會子

曰有愛而敬父母之行若中道則從若不中道則諫諫而不用行之如由己

且俯從所行而思諫道也

從而不諫非孝也

同父母之
非不匡諫諫而不從亦非孝也

徒以義諫而行不從

孝子之

諫達善而不敢爭辨爭辨者作亂之所由興也

內則

日父

母有過下氣怡色柔聲以諫諫
若不入起敬起孝說則復諫

由己爲無咎則寧

謂順

諫由己爲賢人則亂謂爭辨賢與
無咎互相足

孝子無私樂父母

所憂憂之父母所樂樂之孝子唯巧變故父母安之

若夫坐如尸立如齊弗訊不言

齊謂祭祀時訊問也

言必齊色

嚴敬其色此成人之善者也未得爲人子之道也

爲人父之事

單居離問曰事兄有道乎曾子曰有尊事之以爲已
望也謂儀象也兄事之不遺其言奉其所令兄之行若中道則
兄事之兄之行若不中道則養之養猶隱之養之內不養
於外則是越之也養之外不養於內則是疏之也是
故君子內外養之也

單居離問曰使弟有道乎曾子曰有嘉事不失時也
謂冠娶也弟之行若中道則正以使之正以使之弟之行
若不中道則兄事之且以兄禮敬之兄事兄之道若不可然
后舍之矣屈事兄之道猶不變則怒罰之

曾子曰夫禮大之由也不與小之自也

言大者得自由也

飲

食以齒

以長幼也

力事不讓辱事不齒執觴觴杯豆而不

醉和歌而不哀

觚器也實之曰觴杯盤盞盆盞之總名也

案盧見會云舊本作豆醬器以木曰豆以瓦曰登○

以木曰登係脫誤

夫弟者不衡坐不苟越不干逆

色趨翔周旋俛仰從命不見於顏色未成於弟也

右大戴禮會子事父母

曾子曰忠者其孝之本與孝子不登高不履危

敬父母之

遺體故跬步未敢忘其親

庫亦弗憑不苟笑不苟訾隱不命

人有隱僻不許凡居上不

也臨不指爲惑眾

凡居上不

故不在尤之中也孝子惡言

死焉死且流言止焉美言興焉故惡言不出於口煩

言不及於己故孝子之事親也居易以俟命

處安易就其常之道

聽命不與險行以徼幸孝子游之暴人違之

也春秋

左傳曰其○案盧見曾云注有脫文出門而使不以或爲父母憂也

不爲

事或貽憂於父母也險塗隘巷不求先焉以愛其身以不敢忘

其親也身者親之枝也可不敬乎

孝子之使人也不敢肆行不敢自專也父死三年不

敢改父之道故曰三年無改於父之道可謂孝矣又能事父之朋友又

能率朋友以助敬也

使敬其父母也

君子之孝也以正致諫

謂卿大夫

士之孝也以德從命庶

人之孝也以力惡食

分地任力致甘美

任善不敢臣三德

謂三

者之孝三德三老也白虎通曰不臣三老崇孝故孝

○案疑脫子字

之於親也生則

有義以輔之

道喻於

死則哀以蒞焉

蒞臨

祭祀則蒞之以

敬如此而成於孝子也

右大戴禮

曾子本孝

曾子曰君子立孝其忠之用禮之貴

有忠與禮孝道立

故爲

人子而不能孝其父者不敢言人父不能畜其子者爲人弟而不能承其兄者不敢言人兄不能訓其弟

者爲人臣而不能事其君者不敢言人君不能使其

臣者也

不可以已能而責人之不能況以所不能

故與父言言畜子與子

言言孝父與兄言言訓弟與弟言言承兄與君言言

使臣與臣言言事君

士相見禮曰與君言言使臣與大夫言言事君與老者言言使

弟子與幼者言言孝父兄與眾言慈祥與蒞官者言言忠信也

君子之孝也忠愛

以敬反是亂也

盡力而有禮莊敬而安之微諫不倦聽從而不怠懽

欣忠信咎故不生可謂孝矣盡力無禮則小人也

豈小人而已哉乃

犬馬之養致敬而不忠則不入也是故禮以將其

力敬以入其忠飲食移味隨所欲也居處溫愉著心於此濟其志也

子曰可人也吾任其過

吾知其能自取過

不可人也吾辭其

罪詩云有子七人莫慰母心子之辭也

衛詩凱風之末章也七子

自責任過之辭

夙興夜寐無忝爾所生言不自舍也

小雅小宛之四

章也申可以人之義也○案盧見曾云正文可人不可人兩人字疑皆是入字之謬此注可以人亦當作入觀上文致敬而不忠則

不入云云明是入字無疑

不恥其親君子之孝也是

故未有君而忠臣可知者孝子之謂也未有長而順

下可知者弟弟之謂也

孝經曰以孝事君則忠以敬事長則順

未有治

而能仕可知者先修之謂也故曰孝子善事君弟弟善事長君子一孝一弟可謂知終矣

右大戴禮

曾子立孝

至德要道第二

孝經全文
唐玄宗註

仲尼居仲尼孔子居謂閒居曾子侍曾子孔子弟子侍謂侍坐子曰先王有

至德要道以順天下民用和睦上下無怨

孝者德之至道之要

也言先代聖德之王能順天下人心行此至要之化則上下臣人和睦無怨

汝知之乎曾

子避席曰參不敏何足以知之

問避席起答敏達也參會子名也禮師有

言參不達何足知此至要之義子曰夫孝德之本也

人之行莫大於孝故爲德本

教之所由生也

言教從孝而生

復坐吾語女

曾參起對故使復坐

髮膚受之父母不敢毀傷孝之始也

父母全而生之故使復坐

毀傷故不敢立身行道揚名於後世以顯父母孝之終也

言能立身行此孝道自然名揚後世光顯其親故行孝以不毀爲先揚名爲後

夫孝始於事

親中於事君終於立身

言行孝以事親爲始事君爲中忠孝道著乃能揚名榮親

故曰終於立身也厭其也義取恒念先祖述脩其德

大雅云無念爾祖聿脩厥德

詩大雅也無念念也聿述

右開宗明義章第一

子曰愛親者不敢惡於人

博愛也

敬親者不敢慢於人

廣敬

愛敬盡於事親而德教加於百姓刑於四海

刑

也君行博愛廣敬之道使人皆不慢惡其親則德教加被天下當爲四夷之所法則也蓋天子之孝也

蓋猶略也孝道廣大此略言之

甫刑卽尚書呂刑也一人天子也慶善也

十億曰兆義取天子行孝光人皆賴其善

右天子

章第二

在上不驕高而不危

諸侯列國之君貴在人上可謂高矣而能不驕則免危也制

節謹度滿而不溢

費用約儉謂之謹度無禮爲驕奢泰爲溢

而不危所以長守貴也滿而不溢所以長守富也富

貴不離其身然後能保其社稷而和其民人

列國皆有社稷

其君主而祭之言富貴常在其身蓋諸侯之孝也詩則常爲社稷之主而人自和平也云戰戰兢兢如臨深淵如履薄冰戰戰恐懼兢兢戒恐陷義取爲君恆須戒懼

右諸侯

章第三

非先王之法服不敢服

服者身之表也先王制五服各有等差言卿大夫遵守禮

法不敢僭上偏下

非先王之法言不敢道非先王之德行不

敢行法言謂禮法之言德行謂道德之行若

是故非法行非德則虧孝道故不敢也

言必守法行必遵道

口無擇言身無擇行

言必行行必言

皆遵法道所以無可擇也

言滿天下無口過行滿天下無怨惡

禮法

之言焉有口過道三者備矣然後能守其宗廟三者德之行自無怨惡服言行也禮卿大夫立三廟以奉先祖言能備此三者則能長守宗廟之祀蓋卿大夫之孝也詩云夙夜匪懈以事一人夙早也懈情也義取爲卿大夫能早夜不情敬事其君也

右卿大夫
章第四

資於事父以事母而愛同資於事父以事君而敬同資取也言愛父與母同敬父與君同故母取其愛而君取其敬兼之者父也言事父兼愛與敬也故以孝事君則忠移事父孝以事於君則爲忠矣以敬事長則順移事兄敬以事於長則爲順矣忠順不失以事其上然

後能保其祿位而守其祭祀

能盡忠順以事君長則常安祿位永守祭祀

蓋士之孝也詩云夙興夜寐無忝爾所生

忝辱也所生謂父母

也義取早起夜寐無辱其親也

右士章

第五

用天之道

春生夏長秋斂冬藏舉事順時此用天道也

分地之利

分別五土視其

高下各盡所宜

謹身節用以養父母

身恭謹則遠辱用節省則免

此分地利也饑寒公賦既充

此庶人之孝也

庶人爲孝唯此而已

故自天子

至於庶人孝無終始而患不及者未之有也

始自天子終於

庶人尊卑雖殊孝道同致而患不及者未之有也言無此理故曰未有

右庶人
章第六

曾子曰甚哉孝之大也

參聞行孝無限高卑始知孝之爲大也

子曰夫

孝天之經也地之義也民之行也

經常也利物爲義孝爲百行之首人

之常德若三辰運天而有常五土分地而爲義也

天地之經而民是則之

常明地有常利言人法則天地亦以孝爲常行也

則天之明因地之利以順

天下是以其教不肅而成其政不嚴而治

法天明以爲常因地

利以行義順此以施政教則不待嚴肅而成理也

先王見教之可以化民也

見因天地教化人之易也

是故先之以博愛而民莫遺其親

君愛其親

則人化之無陳之以德義而民興行

陳說德義之美爲眾所慕則人有遺其親者

起心而行之先之以敬讓而民不爭

君行敬讓則人化而不爭

導之以

禮樂而民和睦

禮以檢其心則正其心則和

禮以樂止其迹

示之以好惡而民

知禁

示奸以引之則人知有禁令

不敢犯也

詩云赫赫師尹民具

爾瞻

赫赫明盛貌也尹氏爲太師周之三公

也義取大臣助君行化人皆瞻之也

右三才

章第七

子曰昔者明王之以孝治天下也

言先代聖明之王以至德要道化人

是爲孝理

不敢遺小國之臣而況於公侯伯子男乎

小國之臣

至卑者耳王尚接之以禮

故得萬國之懼心以事其

況於五等諸侯是廣敬也

先王

萬國舉其多也言行孝道以理天下

皆得懼心則各以其職來助祭也治國者不

敢侮於鰥寡而況於士民乎

理國謂諸侯也鰥寡國之微者君尚不敢輕侮

况知禮義故得百姓之懼心以事其先君

諸侯能行孝理得所

統之士乎事助其祭享也治家者不敢失於臣妾而况於妻子乎

理家謂卿大夫臣妾家之貴者故得人之懼心以事其

親卿大夫位以材進受祿養親若能孝理其家則得小大之懼心助其奉養夫然故生則

親安之祭則鬼享之

夫然者上孝理則存安其榮歿享其祭是以

天下和平災害不生禍亂不作

上敬人用和睦以致太平

則災害禍亂無因而起故明王之以孝治天下也如此

言明王以孝爲

理則諸侯以下化而行之故致如福應詩云有覺德行四國順之

覺大義

卷一
取天子有大德行則四方之國順而行之

右孝治

章第八

曾子曰敢問聖人之德無以加於孝乎

參問明王孝理以致和平

又問聖人德教更

於孝不子曰天地之性人爲貴

責其異於萬物也

之行莫大於孝

孝者德之本也

孝莫大於嚴父

萬物資始於乾人倫資父

莫過尊嚴其父也

嚴父莫大於配天則周公其人也

昔者周公郊祀后稷

謂父爲天雖無貴賤然以父配天之禮始自周公故曰其人也

天之祀周之始祖也郊謂圜丘祀天也周公

以配天

后稷周之始祖也郊謂圜丘祀天也周公攝政因行郊天之祭乃尊始祖以配之也

宗

祀文王於明堂以配上帝

明堂天子布政之宮也周公因祀五方上帝於明堂

乃尊文王

是以四海之內各以其職來祭

君行嚴配之禮則德

教刑於四海海內諸侯

各修其職來助祭也

夫聖人之德又何以加於孝

平

言無大於孝者

故親生之膝下以養父母日嚴

親猶愛也膝下謂孩

幼之時也言親愛之心生於孩幼比及年長

漸識義方則日加尊嚴能致敬於父母也

嚴以教敬因親以教愛

聖人因其親嚴之心教以愛敬之教故出以就傅趨而過

庭以教敬也抑搔癢痛懸衾篋以教愛也

聖人之教不肅而成其政不

嚴而治

聖人順羣心以行愛敬制禮則以施政教亦不待嚴肅而成理也

其所因者

本也

本謂孝也父子之道天性也君臣之義也

加以尊嚴又有君臣之義

父母生之續莫大焉

父母生子傳體相

莫大

於君親臨之厚莫重焉

謂父爲君以臨於己故不愛恩義之厚莫重於斯故不愛

其親而愛他人者謂之悖德不敬其親而敬他人者

謂之悖禮

言盡愛敬之道然後施教於人違此則於德禮爲悖也

以順則逆民

無則焉

行教以順人心今自之則下無所法則也

不在於善而皆在於

凶德

善謂身行愛敬也凶謂悖其德禮也

雖得之君子不貴也

言悖其德禮雖

得志於人上君子之不貴也

君子則不然

不悖德

言思可道行思

可樂

思可道而後言人必信也

德義可尊作事可法

立德行義不違道正故可尊也

容止可觀進退可度

制作事業動得物宜故可法也

容止威儀也必合規矩則可觀也

進退勤靜也不越禮法則可度也以臨其民是以其

民畏而愛之則而象之

君行六事臨撫其人則下畏其威愛其德皆放象於君也

故能成其德教而行其政令

上正身以率下下順上而法之則德教成政令

行詩云淑人君子其儀不忒

淑善忒差也義取君子威儀不差爲人法則

右聖治
章第九

子曰孝子之事親也居則致其敬

平居必養盡其敬

養則致其樂

就養能致其懽

病則致其憂

色不滿容盡其敬

行不正履喪則致其哀

擣踊哭泣

盡其哀情祭則致其嚴

齋戒沐浴

五者備矣然後能事親

五者備矣然後能事親

開一事親者居上不驕當莊敬以

爲下不亂恭

則未爲能事親者居上不驕

當臨下也

爲下不亂恭

謹以奉在醜不爭

醜眾也爭競也當和順以從眾也當

居上而驕則亡

爲下而亂則刑在醜而爭則兵

謂以兵及相加三者不除雖

日用三牲之養猶爲不孝也

三牲太牢也孝以不殺爲先言上三事皆可亡

身而不除之雖日致太牢之養固非孝也

右紀孝行

章第十

子曰五刑之屬三千而罪莫大於不孝

五刑謂墨劓剕宮大辟也

條有三千而罪之大者莫過不孝

要君者無上

君者臣之稟命也而故要之是無上也

非聖人者無法

聖人制作禮樂而是無法也

非孝者無親

善事父母

爲孝而敢非之是無法也

此大亂之道也

言人有上三惡豈唯之是無親也不孝乃是大亂之道

右五刑章

第十一

子曰教民親愛莫善於孝教民禮順莫善於悌

言教人親

愛禮順無加

移風易俗莫善於樂

風俗移易先入樂聲變隨人心正由

君德正之與變因樂而彰故曰莫善於樂

安上治民莫善於禮

禮所以正之別明男女長幼之序故可以上化下也

禮者敬而已矣

敬者禮之本也故敬

其父則子悅敬其兄則弟悅敬其君則臣悅敬一人則千萬人悅

居上敬下盡得

權心故曰悅也所敬者寡而悅者眾此

之謂要道也

右廣要道
章第十二

子曰君子之教以孝也非家至而日見之也

言教不必家到

戶至日見而語之但行孝於內其化自流於外教以孝所以敬天下之爲人父者也教以悌所以敬天下之爲人兄者也舉孝悌則天下之爲人子弟者無不敬其父兄也教以臣所以敬天下之爲人君者也舉臣道以爲教則天下之爲人臣者無不敬其君也詩云愷悌君子民之父母愷樂也悌易也義取君以樂易之道化人則爲天下蒼生之父母也非至德其孰能順民如此其大者乎

右廣至德
章第十三

子曰君子之事親孝故忠可移於君以孝事君則忠事兄悌故順可移於長以敬事長則順居家理故治可移於官君子所居

則化故可移於官也是以行成於內而名立於後世矣

脩上三德於內

名自傳

於後代

右廣揚名

章第十四

曾子曰若夫慈愛恭敬安親揚名則聞命矣敢問子

從父之令可謂孝乎

事父有隱無犯又敬不違故疑而問之

子曰是何

言與是何言與

有非而從成父不義理所不可故再言之

昔者天子有爭

臣七人雖無道不失其天下諸侯有爭臣五人雖無

道不失其國大夫有爭臣三人雖無道不失其家

降殺

以兩尊卑之差爭謂諫也言雖無道爲有爭臣則終不至失天下亡家國也

士有爭友則

身不離於令名令善也益者三友言受忠告故不失其善名父有爭子則不爭於父臣不可以不爭於君不爭則非忠孝故當不義則爭之從父之令又焉得爲孝乎

右諫爭章

第十五

子曰昔者明王事父孝故事天明事母孝故事地察王者父事天母事地言能敬事宗廟則事天能明察也長幼順故上下治君能父先諸兄則長幼之天地明察神明彰矣事天地能道順君人之化理明察則神感至誠而降福佑故曰彰也故雖天子必有尊也言有父也必有

先也言有兄也

父謂諸父兄謂諸兄皆祖考之
舅也禮君燕族人與父兄齒也宗廟

致敬不忘親也

言能敬事宗廟則

脩身慎行恐辱先

也

天子雖無上於天下猶脩持其身

謹慎其行恐辱先祖而毀盛業也

著矣

事宗廟能盡敬則祖考來

孝悌之至通於神明

光於四海無所不通

能敬宗廟長幼以極孝悌之

心則至性通於神明光於四海

故曰無所不通

詩云自西自東自南自北無思不服

義取流行莫不

服義從化也

右應感章

第十六

子曰君子之事上也

上謂君也

進思進忠

進見於君則思盡忠節

退

思補過

君有過失將行也君有美則思補益

將順其美

將行也君有美則順而行之

匡救其

惡

匡正也救止也君有過則正也君有惡則止也

故上下能相親也

下以忠事上上以義

日忘之

遐遠也義取臣心愛君雖離左右不謂爲遠愛君之志恆藏心中無日暫忘也

右事君章

第十七

子曰孝子之喪親也

生事已畢死事哭不依氣竭而未見故發此事

息聲不

委曲禮無容

觸地無容言不文不爲文飾服美不安

不安美飾

樂不樂

悲哀在心故不樂也食旨不甘味故蔬食水飲此哀戚

之情也

謂上六句三日而食教民無以死傷生毀不滅性

此聖人之政也

不食三日哀毀過情滅性而死皆虧孝道故聖人制禮施教不令至於殞滅

喪不過三年示民有終也

三年之喪天下達禮使不肖企及賢者俯從夫

孝子有終身之憂聖人以三年爲制者使人知有終竟之限也

爲之棺椁衣衾而舉

周尸爲棺周棺爲椁衣謂斂衣之衾被也舉謂舉屍內於棺也

陳其簠簋而哀感

簠簋祭器也陳奠素器之而不見親故哀感也

擗踊哭泣哀以送之

男踊女擗

祖載卜其宅兆而安措之立廟祔祖之後則以鬼禮享之

爲之宗廟以鬼享之

變移益用增感以時祭祀展其孝思也

春秋祭祀以時思之

寒暑

盡矣死生之義備矣孝子之事親終矣

愛敬哀感孝行之始終也

備陳死生之義
以盡孝子之情

右喪親章
第十八

孝經鉤命訣孝經者篇題就號也所以表指括意序中書名出義見道日著一字包十八章爲天地喉襟道要德本故挺以題符篇冠就會子撰斯問曰孝乎文駁不同何子曰吾作孝經以素王無爵祿之賞斧鉞之誅故稱明王之道曾子避席復坐子曰居吾與女順孫以災禍與先王以託權目至德要道以題行首仲尼以立情性言子曰以開號

列曾子示撰輔書詩以合謀。

○太平御覽孔子集語古微書引並同

鉤命訣

丘以春秋屬商以孝經屬參。

○公羊傳隱元年疏引並同

孝經援神契

孔子作春秋制孝經既成使七十二

弟子向北辰磬折而立使曾子抱河洛事北向孔

子齋戒簪縹筆衣絳單衣向北辰而拜告備於天

曰孝經四卷春秋河洛凡八十一卷謹已備天乃

洪鬱起白霧摩地赤虹自上下化爲黃玉長三尺

上有刻文孔子跪受而讀之曰寶文出劉季握卯

金刀在軫北宇禾子天下服。

○搜神記宋書符瑞志北堂書鈔古微書

春秋繁露五行對 河間獻王問溫城董君曰孝經曰夫孝天之經地之義何謂也對曰天有五行木火土金水是也木生火火生土土生金金生水水爲冬金爲秋土爲季夏火爲夏木爲春春主生夏主長季夏主養秋主收冬主藏是故父之所生其子長之父之所長其子養之父之所養其子成之諸父所爲其子皆奉承而續行之不敢不致如父之意盡爲人之道也由此觀之父授之子受之乃

天之道也故曰天之經也王曰善哉願聞地之義
對曰地出雲爲雨起氣爲風地不敢有其功名必
上之於天命故曰天風天雨也莫曰地風地雨也
動勞在地名一歸於天非至有義其孰能行此故
下事上如地事天也可謂大忠矣土者火之子也
五行莫貴乎土土之於四時無所命者不與火分
功名木名春火名夏金名秋水名冬忠臣之義孝
子之行取之土土者五行最貴者也其義不可以
加矣五聲莫貴乎宮五味莫貴乎甘五色莫貴乎

黃此謂孝者地之義也王曰善哉

漢書藝文志孝經者孔子爲曾子陳孝道也夫孝天之經地之義民之行也舉大者言故曰孝經

曾子家語卷一

江陵魏煦培襄校